



www.BibleForChildren.org




Yahya 14



Nakua Puang Isa lako anak gurun-Na, "Danggi'
mimausa'. Matappa' kamu' lako Puang Allataala,
mimatappa' too lako Aku'. Buda ngenan dinii
mari' pih lan bola-Na Ambe'-Ku'."




La malena' lako mpasadian kamu' ngenan. Na te'da kulamangkada susi joo lako kamu', ke te'dai natongan. Ia ke mangkamo' male mpasadian kamu' ngenan, la ratu pole'na' kusolan kamu' lako, antatorro jio sola to kunii mari' pih.



Ia tee aku', Yahya, padammi tomatappa'.
Dipakario-rio todana' susi kamu', sanga
umma'-Na todana' Puang Allataala.


Iami joo napasabbara'
todana' Puang Isa

susi
kamu'.




Dipali'na' ntee pulau Patmos, sanga
mpangpeissenanna' kadan-Na Puang
Allataala sola mpauna' kasa'bianku' to


curitanna Puang Isa.




Ta'pa nakuasaina' Roh Allataala, kumengkita walli,
angkukita cadokkoan mala'bih jao suruga na
den to cumadokko jao.




Ta'pa kusa'ding omi to sininna apa napaden Puang
Allataala la jao suruga, la lan lino, la jiong lino
tomate, la lan tasik, na makkelong
ngasan nakua, "Ia to tocumadokko
jao cadokkoan mala'bih lan
tangnga na ia to Anak
Bembala' dipuji,
dikasiri',
dipakala'bih,
namakuasa
te'da
cappa'na."




Kukitami to kota-Na Puang Allataala, iamo Yerusalem baru, mellao jao mai suruga, to nanii Puang Allataala. Ia joo kota mangkamo dipapakei susi tobotting baine sadia la ntammui tobotting muane.




Angkusa'ding gamara jio mai cadokkoan mala'bih
metamba nakua, "Ia to nanii mari'pih Puang Allataala
lanmi tangnga-tangngana toline. Ia to Puang Allataala
torro solami toline na ia to toline menjaji umma'-Na,
na Puang Allataala menjaji Puangna."



Na ia joo malaeka' mpakitanna' to sa'dan malinnong
cumbillan susi kristal. Ia to wainna mangpatuo,
lolong jio mai cadokkoan mala'bih-Na Puang
Allataala na Anak Bembala', anna tarruh
do' bata' lombo lan joo kota.



Te'da naparallu naarrang allo sola bulan, sanga
kamala'biran-Na Puang Allataala na Anak
Bembala' nnarrangngi.



Apa ia to apa carepa te'da
lalo nawa'ding la mentama,
susinna ia tompugauk
apa mesirisan ba'tu
mangnguraga. Ia to
tau la mentama ia
manda to tomangka
diuki' sanganna lan
Sura' Katuoan,
sura'-Na Anak
Bembala'.




"Puangmo la mpa'dii to wai
matanna, na te'damo to disanga
kamatean, asse penawa, killak,
kamasakian, te'da lalomo ia. Ia
to apa jolo ta'de ngasanmi."



Te'da lalo ia to natampakki ropu Puang Allataala
diampa' lan joo kota. Ia to cadokkoan mala'bih-Na
Puang Allataala na Anak Bembala' la tatta' bang lan.
Na ia to taun-Na la ssompai sikita lindoi. Na ia to
sangan-Na
Puang la
diuki' jio
kidenana.



Na ia to tau te'da sanganna diuki' lan Sura' Katuoan
dipenca'bean tama tasik api. Mangkai joo too
te'damo kamatean, nasaba' dipenca'bean toomi
to Kamatean sola Lino Tomate tama tasik
api. (Ia tee tasik api, iamo kamatean
mangpenduan.)



Mangkadai Roh Allataala sola Tobotting Baine nakua,
"Malemo kamu' mai!" Ia to tau ssa'dingngi tee, la
mangkada todai nakua, "Male kamu' mai!" Inda-inda
to mawakke, la maleri mai! Inda-inda to ngkadoangngii,
la naalari joo wai mangpatuo to tangdialli.



Liwa' napakamoja' Puang Allataala to
tolino. Iamo joo nasuai to Anak
tungga'-Na mpangben sunga'-Na
naputui tolin. Na ia to tomatappa'
lako, te'da nalamasolang, apa
la nnampa' katuoan melo
te'da cappa'na.



Roma 3:23

nasaba' sininna tolino mpugauk dosa na te'da nasipato'
ntarima kasalamatan.

Roma 6:23

Kamateanra to buanna dosa, apa katuoan melo te'da
cappa'na nabenki' Puang Allataala, nasaba'
memmesa'miki' sola Puangta' Puang Isa Almaseh.

Ibrani 9:27

Mangka napattantu Puang Allataala, kumua pissenra mate
to tolino, namane' Puang Allataala rra'tah kara-karana.

Efesus 2:8,9

Dipasalama' kamu', nasaba' kameloan penawan-Na
Puang Allataala, sanga matappa' kamu' lako Puang Isa.
Na ia joo tangngia kamu' nnangahhi,
apa barakka'-Nara Puang Allataala.



Te'da midipasalama' nasaba' panggaukanmi.
Iamo joo tangsipato' ke denni tau matampo
nasaba' kasalamatanna.

Roma 10:9,10

Nasaba' ia ke miakui jio olona tobuda kumua Puangngi to
Isa, ammikatappa'ii lan penawammi kumua mangkamo to
Puang Isa Almaseh napatuo Puang Allataala jio mai
kamatean, la salama' kamu'. Nasaba' penawara
namatappa' to tau, napupenjaji tomeloi Puang Allataala.
Na pangngakuan timunna to tau anna dipasalama'.

Yahya 3:16,17

Liwa' napakamoja' Puang Allataala to toline. Iamo joo
nasuai to Anak tungga'-Na mpangben sunga'-Na naputuo
tolino. Na ia to tomatappa' lako, te'da nalamasolang,
apa la nnampa' katuoan melo te'da cappa'na.



Nasuai Puang Allataala to Anak mentama lino, te'da
anna la sessai to tolino, apa la napasalama'ri.

1 Yahya 5:11-13

Iamo tee to napau Puang Allataala: mangkamiki' nabem
Puang Allataala katuoan melo te'da cappa'na, na ia tee
katuoan jio manda mai Anak Allataala tanii ntarimai.
Ia to tomesa' penawamo sola Anak Allataala, iamo
tonnampuimi joo katuoan. Na ia to te'da na mesa'
penawa sola joo Anak, te'da naampui joo katuoan.
Kuuki'i tee lako kamu' tomatappa' lako Anak Allataala,
ammiissenni kumua, miampuimo to katuoan
melo te'da cappa'na.



Yahya 14; 2 Korintus 5;
Pengkitanna Yahya 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Duri Bible (mvp) © Wycliffe Bible Translators, Inc. All
rights reserved.

<https://live.bible.is/bible/MVPLAI/MAT/1>

©2026 Bible for Children, Inc.

www.M1914.org

www.bibleforchildren.org

